

Deporte Local

Sarah-Quita Offringa: "Caribe tin aden ohm!"



ORANJESTAD (AAN)--- Despues di a ricibi su premio special den fin di siman, recientemente Sarah-Quita Offringa a comenta cu su amigonan riba Facebook cu el a pasa bon na "Pearl of the Dutch Caribbean Awards" na Hulanda. Tabata un ambiente yena di inspiracion pa topa asina tanto hende cu talento for di Caribe Hulandes. Den su mesun palabranan "Caribe tin aden ohm!!".

Sarah-Quita Offringa ta

studiando na Hulanda y cu masha placer el a regresa cas diadomingo nochi cu un distincion special den e categoria di deporte. Separa di e premio den deporte, el a ricibi un otro distincion mas como "The Most Outstanding Pearl award". E ultimo aki el a gana danki na e sosten y apoyo di siguidonan cu a vota pe. Den su mesun palabra e hoben Arubiano a skirbi "Het was leuk dimaass!"

